

Таже Іерей или Дяконъ Ектеніе малое.

кондакъ, гласъ д. *Подобенъ: Явился еси :*

Войнства привременнаго исхити тя, и нетлѣннаго общника небеснаго показа тя, страстотерпче Мино, Христось Богъ нашъ, иже есть мучениковъ нетлѣнный вѣнецъ.

Дивенъ Богъ во святыхъ своихъ, Богъ израилевъ. г.

Евангеліе отъ Луки, *Зачало рг.*

Рече Господь своимъ ученикомъ: Внемлите отъ чловѣкъ, возложить на вы руки своя, и изженуть, предающе на сонмища и темницы, и ведомы къ царемъ и владыкамъ, имене моего ради. Прилучится же вамъ во свидѣтельство. Положите убо на сердцахъ вашихъ, не прежде поучатися отвѣщавати. Азъ бо дамъ вамъ уста и премудрость, ейже не возмогутъ противитися или отвѣщати вси противляющіися вамъ. Предани же будете и родители, и братію, и родомъ, и другы, и умертвятъ отъ васъ. И будете ненавидими отъ всѣхъ имене моего ради. И власъ главы вашей непогубнетъ. Въ терпѣніи вашемъ стяжите душа ваша.

Слава:

Молитвами страстотерпца мученика Мина, милостиве, очисти множество согрѣшеній нашихъ.